

ତୀତସକ ନିକଟକୁ ପାଉଲଙ୍କ ପତ୍ର ଡିଡସ୍‌ତାଃତେ ପ୍ରେରିତ୍ ପାଉଲୁସ୍‌ଆଃ ଚିଟାଉ ପାରିଚାଏ

ପାଉଲୁସ୍‌ଆଃ ଉପୁନିୟା ପାର୍ତ୍ତାର୍ ଚିଟାଉହେତେ ଡିଡସ୍ ହବାଅଃତାନା ମିଆଁଦ୍, ଅକ୍ନାଃଚି କାଲିସିୟାରେୟାଃ ବାଦ୍‌ଲୀରେ ହଡ୍‌ରାଃ ପାରିଚାଏ ଏମାକାଦାଏ । ଏଟାଃ ଆପିୟା ଚିଟାଉ ହବାଅଃତାନା, ତୀମଥୁତାଃତେ ଅଲୀକାନ୍ ବାରାନ୍ ଚିଟାଉ, ଆଡଃ ଫିଲ୍‌ମନ୍ । ଡିଡସ୍ ନେ ଚିଟାଉକେ ସବେନ୍‌କଥାଃ ସାମ୍‌ନାଙ୍‌ରେ ପୁରାଃ କାଉରିକେଦ୍‌ତେ ପାଡ୍‌ଅ ଲାଗାଡିଙ୍‌ୟାଃ ମେନ୍ତେ ପାଉଲୁସ୍ ଡିଡସ୍‌ତାଃତେ ନେ ଚିଟାଉକେ ଅଲେତାନା । କୁଲୀକାନ୍‌ନିଃ ତାନିଃ ଲେକା ଆୟାଃ ଚାଇଲ୍ ଚାଲାନ୍ ହବାଅଃ ଲାଗାଡିଙ୍‌ୟାଃ ମେନ୍ତେ କାଜିକାଦା । ନେଆଁକେ ଡିଡସ୍ ସିଦାରେ କାଟିଃ ଲେକାଏ ସାରିକାଦ୍ ତାଇକେନା । ହବାସାକାଅଥାଃ ଖ୍ରୀଷ୍ଟୁଆଃ ଜାନାମ୍ ତାୟମ୍ ୨୩ ହେତେ ୨୫ ଭିତାରକରେ ପାଉଲୁସ୍ ନେ ଚିଟାଉକେ ଅଲୀକାଦା ।

ପାଉଲୁସ୍ କ୍ରିତିରେୟାଃ ଚାପୁରେ ତାଇନ୍‌କାନ୍ କାଲିସିୟାକକେ ନେଲ୍ ନାଗେନ୍ତେ ଡିଡସ୍‌କେ ଆରୁକିୟା, ଏନ୍ ମିଦ୍ ଇନିତୁକେଗି ତୀମଥୁକେୟ୍ ଏମାକାଇ ତାଇକେନାଏ । ପାଉଲୁସ୍ ନେ ଚିଟାଉରେ ଡିଡସ୍‌କେ କାଲିସିୟାରେନ୍ ପ୍ରାତିନ୍‌କକେ ସାଲାକେଦ୍‌ତେ ଇଡ୍‌କରେୟାଃ ବିଷାଏରେ ଅଲୀକାଦା । ତିସିଙ୍‌ରେୟାଃ କାଲିସିୟା ଆଡଃ କାଲିସିୟାରେନ୍ ପ୍ରାତିନ୍‌କଥାଃ ଆଗୁଆଇ ନାଗେନ୍ତେ ପାର୍‌ମେଶ୍‌ଆଃ ମନେ ଲେକାତେ ଚିଲ୍‌କା ହବାଅଃ ଲାଗାଡିଙ୍‌ୟାଃ ଏନା ପୁରାଃ ଜାଡ୍‌ନାଅକେଦ୍‌ତେ ଧ୍ୟାନ୍ ଏମ୍ ଲାଗାଡିଙ୍‌ୟାଃ, ଏନା ନେ ଚିଟାଉରେ ଅଲୀକାନା ।

ପୁଥ୍ ଭିଟାରରେ ତାଇକାନ୍ କାଜି

୧. ପାଉଲୁସ୍ ଡିଡସ୍‌କେ ଧାର୍‌ମାନ୍ ହଡ୍‌କକେ ସାଲାକ ନାଗେନ୍ତେ ଆରୁକାଦା । ୧:୧-୧୬

୨. ଇନିଃହଗି ହଡକକେ ପାର୍ମେଶ୍ୱାରକେ ସୁକୁଇଚି ଲେକା ଜୀଦାନ୍ ବିତାଅ ନାଗେନ୍ତେ ଇଡୁକ ନାଙ୍ଗ ଆରୁକାଦାଏ । ୨:୧-୩:୧୧
 ୩. ପାଉଲୁସ୍ ଟୁଣ୍ଡୁକ୍ୱାଜି କାଜିକେଦ୍ତେ କାଜିଟୁଣ୍ଡୁକେଦା । ୩:୧୨-୧୫

^୧ ଆଇଙ୍ଗ୍ ପାଉଲୁସ୍, ପାର୍ମେଶ୍ୱାର୍ଥାଃ ଦାସି ଆଡଃ ଯୀଶୁ ଖ୍ରୀଷ୍ଟ୍ ଆଃ କୁଲ୍ଲାନନିଃ ତାନିଙ୍ଗ୍ । ବିଶ୍ୱାସରେୟାଃ ମେନେସା ଲେକାତେ ସାନାର୍ତ୍ତିରେନ୍ ହନ୍ ତିତସ୍ତାଃତେ ନେ ଚିଟାଉ ଅଲେତାନାଇଙ୍ଗ୍ ।

ପାର୍ମେଶ୍ୱାର୍ଥାଃ ସାଲ୍ଲାନାନ୍ ହଡକଆଃ ବିଶ୍ୱାସକେ କେଟେଜେ ନାଗେନ୍ତେ ଆଡଃ ଆରୁଆଃ ଧାରାମ୍ ବିଶ୍ୱାସରେୟାଃ ସାନାର୍ତ୍ତି ନାଙ୍ଗ୍ ଚେଡ଼ଗାର୍ ନାଗେନ୍ତେ ଆଇଙ୍ଗ୍ କୁଲ୍ଲାନାନ୍ନାଇଙ୍ଗ୍ ।

^୨ ଅକନାଃ ଜାନାଅ ଜୀଦାନ୍ ନାମେରେୟାଃ ଆସ୍ତା ନାଗେନ୍ତେ ଠାହାରାଅକାନା । ପାର୍ମେଶ୍ୱାର୍ ହସଡ଼ ନାହାଁଲିଃ । ଇନିଃ ମୁନୁହେତେ ସିଦାରେ ଆରୁକେ ଜୀଦାନ୍ ଏମ୍ରେୟାଃ ବାନାର୍ସା ଏମାକାଦାଏ । ^୩ ଠାଉକାନ୍ ନେଡାରେ ନେ କାଜି ଉଦୁବ୍କାଦା । ଆରୁଆଃ ଜୀଉବାସ୍ତାଅ ଏମନିଃ ପାର୍ମେଶ୍ୱାର୍ଥାଃ ଆନାରୁତେ ନେଆଁ ଉଦୁବ୍ ନାଗେନ୍ତେ ଆଇଙ୍ଗ୍କେ ବାହାରମ୍ ଏମକାନା ।

^୪ ^{*}ତିତସ୍ ଆଇଁୟାଃ ମିଦ୍ ବିଶ୍ୱାସରେନ୍ ହନ୍ ତାନିଃ । ଆପୁ ପାର୍ମେଶ୍ୱାର୍ ଆଡଃ ଆରୁଆଃ ବାସ୍ତାଅନିଃ ଯୀଶୁ ଖ୍ରୀଷ୍ଟ୍ ଆପେକେ ସାୟାଦ୍ ଜୀଉସୁକୁ ଏମାପେକାଏ ।

କ୍ରିଡ଼ରେ ତିତସ୍ତାଃ କାମି

^{*} କା ଚାବାକାନ୍ କାମିକେ ଚାବା ନାଗେନ୍ତେ ଆଡଃ ଆଇଁୟାଃ ଆନାରୁକେ ପାହାମ୍ତାନଲଃ ସବେନ୍ ନାଗାର୍ରେ କାଲିସିୟାରେନ୍ ପ୍ରାତିନକକେ ସାଲ୍ଲାନ ନାଗେନ୍ତେ ଆଇଙ୍ଗ୍ ଆମକେ କ୍ରିଡ଼ରେ ବାଗିକେଦ୍ମେୟାଁଇଙ୍ଗ୍ । ^୨^{*}ଜେତାଏ କାଲିସିୟାରେନ୍ ପ୍ରାତିନ୍ ଲେକା ସାଲ୍ଲାଅଃ ହଡ଼, ବେଗାର୍ ଗୁଣ୍ଟାଁ ହବାଅଃ ଲାଗାତିଙ୍ଗ୍ୟାଁଃ । ଇନିୟାଃ ମିଆଁଦଗି କୁଡ଼ି ହବାଅଃ ଲାଗାତିଙ୍ଗ୍ୟାଁଃ, ଆୟାଃ ହନ୍ଗାଁଣାକ ବିଶ୍ୱାସୀ ହବାଅଃ ଲାଗାତିଙ୍ଗ୍ୟାଁଃ, ଇନିଃ ବେଗାର୍ ଚିଟାକାନ୍ନିଃ

^{*} ୧:୪ ୧:୪ ୨ କରିନ୍ଥ୍ରିୟ ୮:୨୩; ଗାଲାତିୟ ୨:୩; ୨ ତିମଥୁ ୪:୧୦. ^{*} ୧:୭ ୧:୭ ୧ ତିମଥୁ ୩:୨-୭.

ହବାଅଃକାଏ ଆତଃ କା ମାନାତିଞ୍ଜନିଃ ଆଲକାଏ ହବାଅଃକା । ୭ ଚିୟାଃତି କାଲିସିୟାରେନ୍ ଆଗୁଆଇ, ପାର୍ମେଣ୍ଡାଆଃ ଖୁଜ୍ ଅତଃରେନ୍ ଭାଣ୍ଡାରି ହବାୟାନ୍ତେ ଜନିଃ ବେଗାର୍ ଚିଟାକାନିଃ ଲେକା ତାଇନକାଏ । ଜନିଃ ଆୟାଃ ସାନାଜ୍ଲେକା କାମିନିଃ, ଜାଲ୍ଦି ଖୁସ୍ନିଃ, ଜଲିଆରୁଖ୍ ନୁଁତାନିଃ, ଏପେଗେରନିଃ, ଆତଃ ଟାକା ପାଏସା ହାୟାନିଃ ଲେକା ଆଲକାଏ ହବାଅଃକା । ୮ ମେନ୍ଦ୍ ଜନିଃ ସୁସାରନିଃ, ବୁଗିନାଃ ଦୁଲ୍ଲାଡେନିଃ, ଆତଃ ଆୟାଃ ମନ୍ ଆବରୁନିଃ, ଧାର୍ମାନିଃ, ପାବିତାରୁନିଃ, ଆତଃ ନେତେହେନ୍ତେ କା ବାଗ୍ଗାଣ୍ଡିନିଃ ଲେକା ହବାଅଃ ଲାଗାତିଞ୍ଜୟାଃ । ୯ ମେନ୍ଦ୍ ବୁଗିନ୍ ସାର୍ତିକାଜିକେ ଏଟାଃକକେ ଇତୁକେଦ୍ତେ ଜୀତରେ ରାସ୍ତାଏ ମ୍ ଦାଡ଼ିନାଜ୍ ଆତଃ ଏନାକେ କାଜି କେସେଦ୍ତାନକଆଃ ଗାଲ୍ତି ଉଦୁବ୍ ଦାଡ଼ିୟାଏ, ଏନାମେନ୍ତେ ଜନିଃକେ ନେ ଇତୁଆକାନ୍ ପାତିୟାରରେଲେକାନ୍ କାଜିକେ ବିଶ୍ୱାସ୍ତାନଲଃ ଏନାରେ ପକ୍ତାନ ଲାଗାତିଞ୍ଜୟାଃ ।

୧୦ ଚିୟାଃତି ପୁରାଃ କା ମାନାତିଞ୍ଜ୍ ହଡକ, ସାମାକାଜିତାନ୍ ହଡକ, ଆତଃ ବେଦା ହଡକ ସବେନାଃଏତେ ଆଦକା ଯିହୁଦୀକଆଃ ଖାଡନାଅକାନ୍, ଝୁଣ୍ଡରେ ମେନାକଆ । ୧୧ ଇନ୍କୁକେ ଜେଡନାଃ କାଜି ନାଜ୍ କା ଲାଗାତିଞ୍ଜୟାଃ, ଚିୟାଃତି ଇନ୍କୁଦ୍ ଏଡକାନ୍ଲେକାତେ ଟାକା ପାଏସା ନାମେ ନାଗେନ୍ତେ କା ଲାଗାତିଞ୍ଜ୍ ଇନିତୁକ ଇତୁକତାନା ଆତଃ ଗଟା ଅତଃରେନ୍କକେ କାକ ବାପାଇକ ତାନା । ୧୨ ଇନ୍କୁଏତେ ଆକଆଃ ମିହୁଡ୍ ନାବୀ କାଜିକାଦାଏ, “କ୍ରିତରେନ୍ ହଡକ ସବେନ୍ ଇମ୍ତା ହସଡକ, ଏଡକାନ୍ ବିର୍ ଜାତୁକ ଆତଃ ଆଲ୍ସି ପେଟୁକ ତାନ୍କ ।” ୧୩ ନେ ଗାଞ୍ଜା ସାର୍ତିଗି ତାନାଃ । ଏନାମେନ୍ତେ ଏନ୍ଲେକାନ୍ ହଡକକେ ପୁରାଃ କେଟେୟାନ୍ତି କାଜିକମେ, ଜେଲେକାତି ଇନ୍କୁ ବୁଗିନ୍ ବିଶ୍ୱାସୀକ ହବାଅଃଆ । ୧୪ ଇନ୍କୁଦ୍ ସାର୍ତିକେ ବାଗିକାଦ୍ ହଡକ ତାନ୍କ, ଇନ୍କୁ ହଡକଆଃ ଆତୁତେ ବାଇୟାକାନ୍ ରିତିରିଞ୍ଜାଜ୍ ଆତଃ ଯିହୁଦୀକଆଃ କାଥ୍ନି ବାଗିକାକ ମେନ୍ତେ ଇନ୍କୁକେ ଇତୁକମେ । ୧୫ ଫାର୍ତି ହଡକ ନାଜ୍ ସବେନାଃ ଫାର୍ତିୟାକାନା । ସଡରାକାନ୍ ଆତଃ କା ବିଶ୍ୱାସ୍ତାନକ ନାଗେନ୍ତେ ଜେତାନ୍ ବିଷାଏ ଫାର୍ତି ବାନଆଃ ମେନ୍ଦ୍ ଇନ୍କୁଆଃ ମନ୍ ଆତଃ ବିବେକ୍ ବାରାନାଃ ସଡରାକାନା । ୧୬ ଇନ୍କୁଦ୍

ପାରମେଶ୍ୱରକେ ସାରିଆଲେ ମେନ୍ତେକ କାଜିୟା, ମେନ୍ଦ ଆକଆଃ କାମିତେ ଇନିଃକେକ ଦଧାଦିତାନା । ଇନ୍କୁଦ ହିଲାଇଅଃତାନ୍ ଆତଃ କା ମାନାତିଙ୍ଗତାନ୍ ହଡକ ତାନ୍କ ଆତଃ ସବେନ୍ ବୁଗିନ୍ କାମିନାଙ୍ଗ କା ଠାଉକାନ୍କ ତାନ୍କ ।

୨

ସାର୍ତି ଇନିତୁ

^୧ ମେନ୍ଦ ଆମ୍ବେକ ଏନ୍ ବୁଗିନ୍ ଇନିତୁଲେକା ଇତୁ ଲାଗାତିଙ୍ଗୟାଃ । ^୨ ହାଡାମ୍ ହଡକକେ ସାଲ୍ଲସାନ୍ତଃ, ମାଇନ୍ ନାମେ, ମନ୍ ଆବର୍, ବିଶ୍ୱାସରେ କେଟେୟଃ, ଦୁଲ୍ଲାଡ, ଆତଃ ସାହାତିଙ୍ଗରେ ପକ୍ତାଃଅ ନାଗେନ୍ତେ ଇତୁକମେ । ^୩ ଏନ୍ଲେକାଗି ବୁଡିଆକକେ ପାବିତାର୍ ଜାଞ୍ଜାନ୍ ବିତାଅ ନାଗେନ୍ତେ ଇତୁକମେ । ଇନ୍କୁ ଏଟାଃନିୟାଃ ବିରୁଧରେ ନିୟା ଆଲକାକ କାଜିକା, ଇଲିଆର୍ଗ୍ରେ ଆଲକାକ ଲିଲ୍ଲକାଅଃକା ଚାଏ ଏନାରେୟାଃ ଦାସି ଆଲକାକ ହବାଅଃକା । ଇନ୍କୁ ଅକନାଃ ବୁଗିନାଃ ତାନାଃ ଏନା ଇତୁ ଲାଗାତିଙ୍ଗୟାଃ । ^୪ ଧାଙ୍ଗ୍ଡି କୁଡିକ, ନେ ଲେକା ଇତୁକମେ, ଆକଆଃ କଡାକକେ ଆତଃ ହନ୍ଗାଣାକକେ ଦୁଲ୍ଲଡକକାକ, ^୫ ମନ୍କ ଆବର୍ରେ ଦହେକାକ, ଆତଃ ଫାର୍ଟିଗି ତାଇନ୍କାକ, ଆପାନ୍ ଆପାନ୍ ଅଡ଼ାଃରେ ବୁଗିଲେକାତେ କାମିକାକ, ବିଲ୍ଲକାଅଃକାକ, ଆପାନ୍ ଆପାନ୍ କଡାକଆଃ ଆବର୍ରେ ତାଇନ୍କାକ, ଏନାତେ ପାରମେଶ୍ୱରତାଃଏତେ ହିଜୁଃତାନ୍ କାଜିରେ ଜେତାଏ ଏଡକାନାଃ କାକ କାଜି ଦାଡିୟା ।

^୬ ଏନ୍ଲେକାଗି ଧାଙ୍ଗ୍ଡା କଡାକକେ ଆକଆଃ ମନ୍ ଆବର୍ରେ ଦହ ନାଗେନ୍ତେ ଆତୁକମେ । ^୭ ଆତଃ ଆମ୍ଗି ସବେନ୍ ବୁଗିନ୍ କାଜିକାମିକରେ ଇନ୍କୁତାଃରେ ନାମୁନାତେ ଉଦୁବେନ୍ମେ, ଆମାଃ ଇନିତୁରେ ଫାର୍ଟି ମନ୍, ମାଇନଃଲେକାନ୍ ସେସେନ୍, ବୁଗିନ୍ ଆତଃ କା ଚିଟାଅଃଲେକାନ୍ କାଜି ଉଦୁବେମେ । ^୮ ଏନାତେ ଆମାଃ କାଜିକେସେଦ୍ ହଡକ, ଆବୁ ଚିଟାଅଃଲେକାନ୍ ଏଡକାନ୍କାଜି କାକ କାଜିଦାଡି ହରାତେ ଗିହୁଗଃଆକ ।

^୯ ଦାସିକ, ଆକଆଃ ଗମ୍ବେକଆଃ ଆବର୍ରେ ତାଇନ୍କାକ ଆତଃ ସବେନ୍ କାଜିକରେ ସୁକୁଇତିକକାକ ଆତଃ ଆଲ୍ପେ

କାଜିରୁହାଡ଼କଥା, ^{୧୦} ଆଡ଼ଃ ଆଲକାକ କୁମୁଡ଼ରୁକା ମେନ୍ଦ ବୁଗିନ୍ ଆଡ଼ଃ ପାତିୟାରରଃ ଲେକାନ୍ କାଜିକରେ ଉଦୁବେନ୍କାକ, ଏନାତେ ଇନ୍କୁ ସବେନ୍ କାଜିକରେ ଆବୁଆଃ ବାଞ୍ଚାଅନିଃ ପାର୍ମେଶ୍ଵାର୍ଆଃ ବିଷାଏରେ ଆବୁଆଃ ଇନିତୁକେ ମାଲନାନ୍କ ଆଉଇୟା ।

^{୧୧} ଚିୟାଃଟି ସବେନ୍ ହଡ଼କଆଃ ପାରିତ୍ରାଣ ନାଗେନ୍ତେ ପାର୍ମେଶ୍ଵାର୍ଆଃ ସାୟାଦ୍ତେ ଉଦୁବାକାନା । ^{୧୨} ଆଡ଼ଃ ଏଡ଼କାନ୍ଲେକାତେ ଜୀହୁଦଃ ଆଡ଼ଃ ଅତେଦିଶୁମ୍ବରାଃ ଏଡ଼କାନ୍ ସାନାଙ୍ଗକ ବାଗିକେଦ୍ତେ ଏନ୍ ସାୟାଦ୍ ଇତୁକାଦ୍ବୁ ଲେକା ନେ ପାରିୟାରେ ମନ୍ ଆବର୍, ଧାର୍ମାନ୍, ଆଡ଼ଃ ଭାକ୍ତିଲେକାତେବୁ ଜୀହୁଦଃଆ । ^{୧୩} ଆଡ଼ଃ ଏନ୍ ସୁକୁରାସକାରାଃ ଆସ୍ରା ଆଡ଼ଃ ଆବୁଆଃ ମାରାଙ୍ଗଭତାର୍ ପାର୍ମେଶ୍ଵାର୍ଆଃ ଆଡ଼ଃ ବାଞ୍ଚାଅନିଃ ଯୀଶୁ ଖ୍ରୀଷ୍ଟୁଆଃ ମାନାରାଙ୍ଗ ଉଦୁବଃ ଦିପିଲିକେ ନେଲ୍ହରା ତାନାବୁ । ^{୧୪} ଏନ୍ ଯୀଶୁ ଖ୍ରୀଷ୍ଟୁ, ଆବୁକେ ସବେନ୍ ଏଡ଼କାନାଃଏତେ ମୁକ୍ତି ଏମାବୁ ନାଙ୍ଗ ଆଡ଼ଃ ଆୟାଃ ଆପ୍ନାଃ ବୁଗିନ୍ କାମିରେ ଚିହ୍ନଲାନ ହଡ଼କକେ ଆୟାଃ ନାଙ୍ଗ ନିୟାରକ ନାଗେନ୍ତେ ଆବୁଆଃ ନାଙ୍ଗ ଆଇଃକ୍ତି ଆପାନ୍କେ ଏମ୍ୟାନା ।

^{୧୫} ନେ ସବେନ୍ କାଜିକ ଆକ୍ତେୟାର୍ତେ କାଜିକମ୍ ଆଡ଼ଃ ଜୀଉରେ ରାସକା ଏମ୍କେଦ୍ତେ ଚେତାଅକମେ । ଜେତାଏ ଆମ୍କେ ଆଲକାକ ହିଲାଙ୍ଗମେକା ।

୩

ଖ୍ରୀଷ୍ଟିୟାନକଆଃ ଚାଇଲ୍ ଚାଲାନ

^୧ ହାକିମ୍କଆଃ ଆଡ଼ଃ ଆକ୍ତେୟାର୍ ନାମାକାଦ୍ ହଡ଼କଆଃ କାଜି ମାନାତିଙ୍ଗ ନାଗେନ୍ତେ ଆଡ଼ଃ ସବେନ୍ ବୁଗିନ୍ କାମି ନାଗେନ୍ତେ ସେକାଡ଼ାକାନ୍ଦେ, ^୨ ଜେତାଏୟାଃ ଏଡ଼କାନ୍ ଆଲ୍ଦେ କାଜିୟା, ମେନ୍ଦ ସୁକୁଜୀଉତେ ଆଡ଼ଃ ଗାତିସାଙ୍ଗାତିତେ ସେସେନ୍ ନାଙ୍ଗ ସବେନ୍ ହଡ଼କତାଃରେ ଲେବେଃମନ୍ତେ ସବେନ୍ ଇମ୍ତା ଉଦୁବେନ୍ଦେ ମେନ୍ତେ ଇନ୍କୁକେ ପାହାମାକମେ । ^୩ ଚିୟାଃଟି ସିଦା ଆବୁହଗି ଡଣ୍ଡ, କା ମାନାତିଙ୍ଗକ, ଆଦାକାନ୍କ, ସବେନ୍ ଲେକାନ୍ ଏଡ଼କାନ୍ ସାନାଙ୍ଗ ଆଡ଼ଃ ରିଜ୍ରାଙ୍ଗରେନ୍ ଦାସିକବୁ ତାଇକେନା ।

☆ ୨:୧୪ ୨:୧୪ ୧ ପାଢ଼ରାସ୍ ୨:୯.

ଆରୁ ଏତ୍ତକାନାଃ ଆତଃ ହିସ୍ତଙ୍ଗାରେ ସେସେନ୍ତାନ, ହିଲାଙ୍ଗ୍‌ଆଁକାନ୍ ଆତଃ ଏଟାଃକକେ ହିଲାଙ୍ଗ୍‌କ ତାଇକେନାରୁ । ୪ ମେନ୍ଦ ଚିମ୍ବତା ଆରୁଆଃ ବାଞ୍ଚାଅନିଃ ପାର୍ମେଶ୍ୱାର୍‌ଆଃ ଦୁପୁଲ୍ଲାଡ଼ରାଃ ଦାୟା ଉଦୁବ୍‌ୟାନା, ୫ ଇମ୍ତା ଇନିଃ ଆରୁକେ ବାଞ୍ଚାଅକେଦ୍‌ରୁଆ, ନେଆଁ ଆରୁଆଃ ଧାର୍ମାନ୍ କାମିକରେୟାଃ ନାଗେନ୍ତେତେଦ କାହା ମେନ୍ଦ ଆୟାଃ ଲିବୁଇ ଆତଃ ପାବିତାର୍ ଆମ୍‌ରାଃ ହରାତେ ଆରୁ ନାଞ୍ଜା ଜାନାମ୍ ଆତଃ ନାଞ୍ଜା ଜୀଞ୍ଜାନ୍‌ରୁ ନାମାକାଦା । ୬ ଆରୁଆଃ ବାଞ୍ଚାଅନିଃ ଯୀଶୁ ଶ୍ରୀଷ୍ଟୁଆଃ ହରାତେ ପାର୍ମେଶ୍ୱାର୍ ଆରୁକେ ପୁରାଃତେ ପାବିତାର୍ ଆମ୍‌ ଏମାକାଦ୍‌ରୁଆଏ । ୭ ଏନାତେ, ଇନିୟାଃ ସାୟାଦ୍‌ତେ ଆରୁ ପାର୍ମେଶ୍ୱାର୍‌ଆଃ ଆୟାର୍‌ରେ ଧାର୍ମାନ୍ ହଡ଼ବୁ ବାଇୟାକାନା ଆତଃ ଆରୁଆଃ ଆସ୍ତା ଲେକାତେ ଜାନାଅ ଜୀଦାନ୍‌ରେ ବଲ ନାଗେନ୍ତେ ଆକ୍‌ତେୟାର୍‌ରୁ ନାମାକାଦା । ୮ ନେ କାଜି ସାର୍‌ତିଗି ତାନାଃ ।

ଆତଃ ପାର୍ମେଶ୍ୱାର୍‌କେ ବିଶ୍ୱାସ୍‌ତାନ୍‌କ, ସବେନ୍ ରୁଗିନ୍ କାମି ରିକା ନାଗେନ୍ତେ ସାନାଙ୍ଗ୍‌କାକ, ଏନା ନାଗେନ୍ତେ ଆମ୍ ଇନ୍‌କୁକେ ନେ ସବେନ୍ ବିଷାଏରେ ପୁରାଃ କେଟେଦ୍‌ତେ ଇତୁକମେ, ନେଆଁଇଙ୍ଗ୍ ମନେତାନା । ନେଆଁଦ୍ ହଡ଼କ ନାଗେନ୍ତେ ପୁରାଃ ରୁଗିନାଃ । ୯ ମେନ୍ଦ ଡଣ୍ଡ କାଜିକ ଆତଃ ପୁରୁଖା ହାଡ଼ାମ୍‌କଆଃ ନୁଡୁମରାଃ ଜିଲିଙ୍ଗ୍ ତାଲିକା, ଏପ୍‌ରାଙ୍ଗ୍, ଆତଃ ଆଇନ୍‌ରେୟାଃ କାପଜିକଏତେ ଆତମେନ୍‌ମେ, ଚିୟାଃତି ଏନା ସବେନ୍ ଏତ୍ତକାନାଃ ତାନାଃ ଆତଃ ସାମାଗିୟା । ୧୦ ବେଦା କାଜିତେ ବିନ୍‌ଗାଅତାନ୍ ହଡ଼କକେ ମିସା ବାର୍‌ସା ଚେତାଅକେଦ୍‌ତେ ବାଗିତାକମ୍ । ୧୧ ନେ ଲେକାନ୍ ହଡ଼କ ହରାଆଦାକାଦାକ ଆତଃ ପାପ୍‌କେଦ୍‌ତେ ଆକଗି ଚିଟାଅଃତାନାକ, ଏନାଦମ୍ ସାରିତାନା ।

ରୁଣ୍ଡୁ ଉନ୍‌ଦୁବ୍

୧୨ ☆ଚିମ୍ବତା ଆଇଙ୍ଗ୍ ଆର୍ତ୍ତେମା ଆତଃ ତୁଖ୍‌କକେ ଆମାଃତାଃତେଇଙ୍ଗ୍ କୁଲିରେ, ଆମ୍ ଆଇଁୟାଃତାଃତେ ନିକପଲି ସାହାର୍‌ତେ ହିଜୁଃମେ, ଚିୟାଃତି ଆଇଙ୍ଗ୍ ରାବାଙ୍ଗ୍‌ସାହାକେ ଏନ୍ତାଃରେ ବିତାଅନାଙ୍ଗ୍ ଉହାଟ୍‌କାଦାଇଙ୍ଗ୍ । ୧୩ ☆ଆଇନ୍ ଇତୁନିଃ ଜୀନସ୍

☆ ୩:୧୨ ୩:୧୨ ପ୍ରେରିଡ଼ ୨୦:୪; ଏଫିସିୟ ୬:୨୧,୨୨; କଲସିୟ ୪:୭,୮; ୨ ତିମଥ୍ ୪:୧୨.

☆ ୩:୧୩ ୩:୧୩ ପ୍ରେରିଡ଼ ୧୮:୨୪; ୧ କରିନ୍ଥ୍‌ୟ ୧୬:୧୨.

ଆଡ଼ଃ ଆପୋଲୋ, ନେ ବାରାନ୍‌କିନ୍‌ନାଃ ହରାସେନ୍ ନାଙ୍ଗ୍, ଅକ୍‌ନାଃ ଲାଗାତିଙ୍ଗ୍‌ତେୟାଃ ସବେନାଃ ଏମ୍‌କେଦ୍‌ତେ ହରାସେନ୍ ଏଟେଦ୍ ନାଗେନ୍ତେ ଦେଙ୍ଗାକିନ୍‌ମେ । ^{୧୪} ଆରୁଆଃ ହଡ଼କ ଆକଆଃ ଲାଗାତିଙ୍ଗ୍‌ତେୟାଃକ ନାମେ ନାଗେନ୍ତେ ବୁଗିନ୍ କାମି ନାଙ୍ଗ୍ ଇତୁଃକାକ, ଏନାରେ ଇନ୍‌କୁ ଜେଡ୍‌ନାଃତେ କାକ ଜାଞ୍ଜିଅଃଆ ।

^{୧୫} ଆଇଁୟାଃଲଃ ତାଇନ୍‌ତାନ୍ ସବେନ୍‌କ ଆମ୍‌କେ ଜହାର୍‌ମେତାନାକ । ବିଶ୍ୱାସ୍‌ରେ ଆଲେକେ ଦୁଲ୍‌ତ୍‌ଲେତାନ୍ ସବେନ୍‌କକେ ଆଲେୟାଃ ଜହାର୍ ଉଦୁବାକମେ ।

ପାର୍‌ମେଶ୍ୱାର୍‌ଆଃ ସାୟାଦ୍ ଆପେ ସବେନ୍‌କଲଃ ହବାଅଃକା ।

ପାରମେଶ୍ଵାରଥାଃ ଜୀନିଦ୍ ବାଚାନ୍
The New Testament in the Munda language of India:
ପାରମେଶ୍ଵାରଥାଃ ଜୀନିଦ୍ ବାଚାନ୍

copyright © 2020 The Word for the World International

Language: ମୁଞ୍ଜା (Muṅḍa) (Munda)

Contributor: The Word for the World International

ପାରମେଶ୍ଵାରଥାଃ ଜୀନିଦ୍ ବାଚାନ୍
ନାଞ୍ଜା ନିୟମ୍ , 2020

The New Testament in Munda Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-13

PDF generated using Haiola and XeLaTeX on 22 Feb 2024 from source files dated 14 Apr 2023

903abb6b-97c3-582d-9df8-a6a8f2fce6d6